

Zeitschrift: Bündner Schulblatt = Bollettino scolastico grigione = Fegl scolastic grischun
Herausgeber: Lehrpersonen Graubünden
Band: 80 (2018)
Heft: 1: Spielen in der Schule

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 01.04.2025

ETH-Bibliothek Zürich, E-Periodica, <https://www.e-periodica.ch>

«Carstgauns calan buca da termagliar perquei ch'els vegnan vegls; els vegnan vegls perquei ch'els calan da termagliar.»¹

MONIQUE HUONDER, SCOLASTA D'ENGLES E MENADRA DALLA LUDOTECA MUSTÉR



Termagliar e dar giugs possibiltascha oriundamein da sedar giu in cun l'auter e quei per plascher e divertiment dils participonts. Quell'interacziun ei activa, scolescha empatia, promova convivenza e comunicaziun e trenescha savens habilitads motoricas. Giugs specificis promovon aunc ulteriuras habilitads. Affons exerciteschan da leger e quintar, dad explicar e da setener vid reglas. Eis emperndan dad esser tolerantis, da spiarder e gudignar en dignitad. Quei ein cumptenzas socialas che vegnan dabien ad els sez ed al contuorn.

Differentas spartas da termagls

Sco ludotecara e scolasta secundara ha jeu saviu observar ils davos 20 onns beinqual trend. Jeu differenzieschel treis spartas giugs:

- giugs da famiglia
- giugs electronics
- giugs concepì a posta per la scola

Suandonta survesta porscha ina schelta da giugs adattai per l'instrucziun da lungatg.

Empermettent

Pertgei buca porscher al scalem primar il rom facultativ «GIUG»? Ei setractass d'ina lecziun divertenta che scolescha ils differents sensoris digl affon. Specialmein adattau fuss ina tala purschida specialmein leu nua ch'ils affons enconuschan buca il dar giugs en famiglia.

La Ludoteca Mustér presenta adina puspei novs giugs e giugs ch'ei secumprovai a scolastas e scolasts.

Emprender enten far termagls

Cun auters plaid: Il meglier ei da vegnir vegls termagliand, pertgei termagliar mantegn ins giuvens.

Termagliar e dar giugs vegn savens aunc resentiu sco passatemp da pintga valeta. En scola spetgan ins ch'els affons lavurien ed emperndien quei ch'ei impurtont per la veta enstagi da termagliar e dar giugs.

Affons che van aunc buca a scola termaglian di per di, emperndan ed

exerciteschan aschia habilitads ch'els drovan el mintgadi. Affons carezan termagls da tuttas sorts ed ein fetg creativs. Figuras daventan persunas imaginaras e sch'ins fa bein stem, sche san ins persequitar co els imiteschan il sedepurtar dils carschi en lur giugs. Pli vegls ch'els vegnan e pli gronda daventa la fascinaziun da computers e telefonins. Quels instruments zun nizeivels san denton era vegnir duvrai per giugs solitaris e meinan enqualin ella dependenza da giugar bunamein di e notg senza in visavi.

giug	trenament da	vegliadetgna	criteri	plascher
Quizlet live	scazi da plaid	10 +	emprender en gruppa	○○○
Quartet	scazi da plaid, verbs irregulars	8 +	dumandar, repeter, tener cartas	○○○
Tabu	scazi da plaid, declarar plaid senza duvra certas expressiuns	12 +	emprender en gruppa, declarar e controllar	○○
Get a letter	scazi da plaid	10 +	clamar giu savida sut stress, duell individual ni en gruppa	○○
4 gudogna	verbs irregulars	12 +	duell	○○
Jenga	verbs irregulars	12 +	motorica fina, memoria	○○○
giug dallas scalas	plaid, cefras, grammatica, conschientscha generala, lectura	5 - 99	tener ora frust, memoria	○○○
Top Trumps	Scazi da plaid animals, adjectivs	12 +	cumparegliazion dad adjectivs, empernder en gruppa	○○○
Story cubes	tut ils lungatgs	5 - 99	fantasia, raquintar	○○
Lotto	diembers, temps, colurs, meins...	5 - 99	motorica fina, memoria	○○○
Absolutely English	Scazi da plaid, grammatica, savida generala	13 +	emprender en in team, pretensius	○○○
Dobble	Animals, there is/there are	11 +	observar ed anflar detagls	○○
Tic tac burmm	scazi da plaid	13 +	clamar giu plaid sut stress	○○○

Ella cusseglia e metta a disposiziun tals pli diever era en scola. A caschun d'in luvratori public che vegn realisau el decurs dalla primavera proxima muossan ed instrueschan affons da

scola a conscolaras e conscolars d'autras classas, a geniturs ed interessai quei ch'els jogian cun plascher ordeifer il temps da scola.

¹ Oliver Wendell Holmes (1809 - 1894), medi american